

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum volumen tripartitum**

**Creidius, Hartmann**

**Francofurti ad Moenum, 1682**

Exegesis

[urn:nbn:de:bsz:31-122776](#)

Videbimus

I. Spiritus Sancti officium.

II. Piorum in hoc mundo proemium.

J.J.

## EXEGESIS.

**C**um Moses quereretur de onere populi, ordinabat Deus septuaginta Séniores, & descendens ipse per nubem afferebat de Spiritu, qui in Mose erat, & dabat 70. Senioribus, ut sustentarent cum ipso onus populi, & Moses non solus gravaretur, Num. 11. vers. 25. Idem accidit tempore N. T. quando Pater cœlestis de Spiritu Filii accepit & posuit super 12. Apostolos & 70. discipulos, ut ad officium docendi & plantandi Ecclesiam idonei redderentur. Quemadmodum enim unctio à capite summi Sacerdotis descendebat in barbam, à barba in vestes, Pl. 133. vers. 2. Sic à Christo capite Spiritus Sancti unctio descendit in omnia ipsius membra, ut ex plenitudine illius accipere possimus gratiam pro gratia, Joh. 1. v. 14.

Hoc certè donum est non vulgare, sed eximium, quod omnia mundi dona & bona superexcellit. Et hoc fine pluribus à Christo describitur, ut discipuli & nos omnes magni illud estimare, & serio desiderare discamus. Spiritus enim quem Christus promittit in hodierno Evangelio, tripli in Ecclesia apud omnes fideles defungitur officio.

I. *Consolator est.* In græco est οἰκτιστής, quo nomine Christus etiam insignitur, i. Joh. 2. v. 1. quia vero ad Patrem abiit, & visibilem suam præsentiam subtrahens erat discipulis, alium ipsis promittit paracletum, Joh. 14. v. 16. qui omni præstaret,

quæ ipse in carne adhuc præsens ipsis præstare solebat, mœstos sublevaret, rudes informaret, desidiosos excitaret, infirmos corroboraret, inermes propugnaret, accusatos intercessione sua apud Patrem juvaret, ita ut nihil illis deesset, & nemo illos laderet, Luc. 22. v. 35.

Tali Paracleto non indigebamus ante lapsum. Deus enim considerat hominem non ad tristitiam, sed ad imaginem suam, non ad iram, sed ad acquisitionem salutis per Dominum nostrum JESUM CHRISTUM, 1. Thess. 5. v. 9. Sedjam post lapsum nascitur homo ad laborem & dolorem, ut avis ad volatum, Job. 5. vers. 7. Imò Diabolus accusat nos die ac nocte, Apoc. 12. v. 10. & expedit nos cribrare instar tritici, Luc. 22. v. 31. proinde supplicandum est Domino, ut hunc Paracletum nobis concedat, Psalm. 51. v. 12. qui

1. *Erigit pusillanimes*

1. *Sub cruce domestica*, quando cum Hiskia graviter decumbunt, aut cum Jobo sive bello, sive incendio, sive quacunque alia tempestate bonis exuuntur, tunc Paracleti hujus solatium optima medicina est, Job. 13. v. 15. Esa. 38. v. 17.

2. *Sub persecutione publica*, quando cum Elia in exilium relegantur, cum Micha in careerem detruduntur, vel cum Apostolis martyrio coronantur, ibi Spiritus Sancti vires & animum addit, ne vel tormentorum cruciatu, vel mortis ignominia eos separare possit à dilectione Dei, Rom. 8. vers. 39.

3. *Sub tentatione diabolica*, quando à Satana & conscientia accutamur, ibi Paracletus hic iterum causam nostram agit, sugerens nobis αύτον, quo cum aeterno Patre reconciliati sumus, ut cum Esaia confidenter dicere possimus cap. 27. vers. 5. tenebit fortitudi-

## Dominica Exaudi.

156

tudinem meam, faciet pacem mihi, pacem faciet mihi.

2. *Suscepit exanimes*, quando cum mortuū tamur, & in ipso agone constituti sumus, ut restantur exempla Sanctorum martyrum, in primis Stephani, Act. 7. vers. 59. Ignatii, Polycarpi, Laurentii & aliorum, qui animam suam non dilexerunt usque ad mortem, Apoc. 12. v. II.

II. *Informator est*, unde Spiritus veritatis à Christo dicitur, & hoc ipso à Spiritu maligno discernitur, in quo non est veritas, Joh. 8. v. 44. proinde Spiritus S. solus est à quo discimus, quæ vera sunt in doctrina & moribus, i. Joh. 2. v. 27.

Ex eo colligitur, hanc esse notam inhabitantis Sp. S. si quis veritatem diligat, illique solum adhæreat. Qui enim ex veritate est, vocem meam audit, & viceversa, inquit Christus Joh. 8. v. 31.

Describitur autem hic informator

I. *Ratione essentiae*, dum Spiritus appellatur, quia est essentia spiritualis & incorporeæ non sicut Angeli, vel anima hominis, sed infinita, æterna, increata, divina, quomodo Deus etiam Spiritus dicitur, Joh. 4. vers. 24. unde dicitur Spiritus qui ex Deo est, i. Cor. 2. vers. 12. Patri & Filio ob unam eandemq; numero essentiam *ép̄ētos*, i. Joh. 5. v. 7.

Est ergò verus Deus, cui nomen Jehovæ competit, confer 2. Sam. 23. v. 2. & Act. 1. v. 16. Esa. 6. v. 9. & Act. 28. v. 26. Ps. 95. v. 6. seqq. & Ebr. 3. v. 7. & expressè Deus dicitur, Act. 5. v. 3. 4. i. Cor. 3. v. 16. i. Cor. 12. v. 11. Proinde honorem usum tanquam Deum, & firmissimum semper in eo contra omnes adversitates asylum collocemus, ne querelam suam antiquam ingeminare cogatur: Si Dominus ego sum, ubi est timor meus? Mal. 1. vers. 6.

2. *Ratione charæteristica differentie*, quod nimirum à Patre procedat, & à Filio mittatur. Hæc est interna Sp. S. proprietas, per quam à Patre & Filio distinguitur, nimirum ab utroque procedere. De Patre non est dubium, de Filio controversiam moverunt Græci, sed per id, quod Spiritus Sanct. mittere dicitur, tacitè confirmatur, est enim unus cum Patre, Joh. 10. v. 30. unde Spiritus Filius nominatur Galat. 4. v. 6. Spiritus oris Christi, 2. Thess. 2. v. 8. Spiritus labiotum ejus, Esa. 11. vers. 4. Spiritus Christi, Rom. 8. vers. 9.

III. *Testificator est*. Nam testimonium perhibebit de me, inquit Salvator, quod facit per verbum interne in cordibus fidelium, Gal. 4. v. 6. Rom. 8. v. 16. partim externè per ministros Evangelii, 2. Pet. 1. v. 21. qui proinde martyres seu testes veritatis dicuntur, Act. 1. vers. 8. quemadmodum & hic Salvator discipulis ait: Et vos testimonium perhibebitis.

Hæc est nota fidelium. Credidi, propter quod locutus sum, inquit David, Ps. 116. v. 10. ore fit confessio ad salutem, Rom. 10. v. 9. qui Christum negaverit, vicissim negabitur ab ipso, Matth. 10. v. 33.

Testium verorum & irprobatorum requisita sunt

1. *Vita inculpatæ ratio*, homini enim male nota ne quidem vera loquenti creditur.

2. *Causæ exploratio*, ut fidei capita de Christo diligenter addiscat & intelligat, 2. Tim. 1. v. 13.

3. *Ingenna veritatis enarratio*, licet amara sit & odium pariat.

4. *Constans in confessione perseveratio*, Sir. 4. v. 33.

Ambulemus igitur dignè Evangelio, Phil. 1. v. 27. Eph. 4. v. 1. Scrutemur Scripturas,

ras, Joh. 5. v. 39. paratisimus rationem redere spei quæ in nobis est, 1. Pet. 3. v. 15. & ad finem usque perseveremus, tunc aliquando cum apparebit Christus in nubibus coeli, coronam vitæ reportabimus, Apoc. 2. v. 10.

### De Secundo.

**S**uperest ut de piorum proemio quædam setiam dicamus, quod propter testimonium hoc omnibus Christianis in mundo distribuitur. Tria autem hic notanda veniunt.

I. *Christi predicatoris bonitas.* Hæc locutus sum vobis. inquit, ne offendamini. Tela siquidem prævisa minus nocent, & quia Christus nobis prædixit crucem, colligere possumus, quod non fortuitò vel admundi arbitrium nobis contingat, sed ex Dei providentia. Omnes enim capilli nostri numerati sunt, Matth. 10. v. 30. Quin etiam verborum Christi veritas ex eo cognoscitur, quod prædictioni respondet eventus, unde confidimus, quod promissa liberatio etiam secutus sit. Utroque enim verax est, tam in promissis, quam in minis, Jof. 23. v. 14.

II. *Persecutionis gravitas,* cujus duo genera enumerantur:

I. *Excommunicatio.* Ἀπὸ οὐαγώγης ποιήσουν νῦν, inquit Christus, indignos vos judicabunt communione & confortio Sanctorum, ut gentiles & publicanos vos astimabunt, sicut alioquin excommunicatione in legitimo suo usu describitur Matth. 18. v. 17. Hoc telum omni tempore malignantium Ecclesia strinxit adversus pios veritatis testes, cujus praxin videmus adhuc hodie in Antichristo Romano, qui fulmen excommunicationis vibrat adversus omnes qui cathedralm pestilentia venerari renunt, juxta expressum vaticinium Apoc. 13. v. 13.

sed Ecclesia vera nihil curat tale fulmen, & contra orant ex Ps. 109. v. 28.

Interim vera Ecclesia suam etiam habet excommunicationem, quam exercere potest. Ea duplex est, major & minor. Minore est suspensio ab uso cœnæ, major separatio ab omnibus Ecclesiasticis congressibus, quæ feriendi sunt heretici, omnem informatiōnem spernentes, Rom. 16. vers. 17. Gal. 1. v. 9. Tit. 3. vers. 10. & præfacti peccatores, qui scandalia in vita excitant, & Ecclesiæ admonitiones pervicaciter contemnunt, 1. Cor. 5. v. 34. t. Tim. 1. v. 19. 20. Hæc est clavis ligans, quam hodie, proh dolor! ferè amisimus. Nec tamen propter ea impi in peccatis sibi blandiantur. Nam quoties in publica verbi prædicatione securis & impenitentibus denunciatur ira Dei & æterna damnatio, excommunicatio exercetur, quæ coram Deo efficax est, licet à mundo floccipendatur, Joh. 20. v. 23. Matth. 18. v. 17. 18.

2. *Trucidatio.* Venit hora, inquit Christus, ut omnis, qui interficit vos, arbitretur cultum se præstare Deo. Non contenti erunt hostes Evangelii excommunicatione, sed conjungent simul tyrannidem & varias cœdes. Neque in hoc videri volunt tyranni, sed potius cultores Dei, cujus honorem putant esse fidelium cruentum. Videantur exempla 1. Reg. 19. v. 2. 4. 2. Paral. 24. v. 21. 1. Macc. 2. v. 28. leqq. Quantas quæsto tempestates ecclesia perpessa est tempore decem persecutionum sub Ethnicis Imperatoribus Neroni, Domitiano, Trajano, &c. qui plures Christianos trucidarunt, quam in V. T. agniphales mactati sunt. Quantas tempestates perpessa est proximis seculis? Testis est Gallia, testis Anglia, testis Belgiam, testis Germania universa. Ubiq; enim sanguis